



Over Itinera Nova

Akte R° 276.1-V° 276.1

Zoek akte:

Go

[Home](#)[Vorige](#) | [Volgende](#)

Stand van zaken

Act

De Leuvense schepenbank

Datum: 1434-02-03

Methode

Transcriptie

[Folio 276R°](#)

Inschrijving nieuwsbrief

2015-03-09 door kristiaan magnus

Nieuwsbrieven Archief

Cond sij allen lieden dat peter ymbrechts van assent es come(n) in jeg(ewoirdicheit)/
der scepen(en) van loeven(en) en(de) heeft genome(n) en(de) bekent dat hij genomen

[Folio 276V°](#)

Interessante links

heeft/
van gielise uute(n) lyemyng(e)n thof des selfs gielijs gehete(n) ter loenst gelege(n)/
inde prochie van campenhout met den wynnende lande en(de) eusele(n) tot/
den voirs(creven) hove behoe(re)nde Te houde(n) te hebbene en(de) te wynne(n) van half merte/
naestcomende enen t(er)mijn van twelf jae(re)n deen nae dand(er) staphans sond(er)/
middel volgende Elx jaers dae(re)n bynnen Dats te weten vande(n) voirs(creven) wynnende/
lande xxxv(½) mudde cores goet en(de) payabel d(aer) met wanne en(de) met veede(re)n/
wail bereit d(er) maten van loeven(en) te s(in)[te] andries apostels te betale(n) en(de) te loeven(en)/
ter wonyng(e)n des voirs(creven) gielijs te leve(re)n alle jae(re) den voirs(creven) t(er)mijn due(re)nde
en(de)/

Collectie

Bladeren

Transcription Search

Zoeken in annotaties

Mijn Itinera Nova

Registratie

Paswoord vergeten?

Login

Kies een taal:

[nederlands](#)

Colofon

Contact

telke(n) t(er)mijn als vervolghde scout Ende vanden voirs(creven) euselen sal de voirs(creven) peter/
jairlijx den voirs(creven) gielijs gheve(n) den voirs(creven) t(er)mijn due(re)nde x(½) ryssche gul(den)/
en(de) vii motone(n) [te wete(n) xxvii pl(acken) voir ii d(er) selv(er) mottoen(en) gerekent] en(de) xxv
pl(acken) Item es vorwerde tusscen den voirs(creven) gielijse en(de)/
peter dat de selve peter den voirs(creven) t(er)mijn duerende houde(n) sal op sine(n) cost l/
scapen [en(de) niet min mair meer oft de selve peter wilt] en(de) die van drie jae(re)n te drien onder hen
beyde(n) half en(de) half deylen/
Item es gevorweert dat de voirs(creven) peter den voirs(creven) gielijse jairlijx by de(n) voirs(creven)/
t(er)mijn duerende houde(n) sal een verken op sijnen cost gelijc de sijne en(de) de voirs(creven)/
gielijx de sal tvoirs(creven) verken copen Item es noch gevorweert dat de voirs(creven) gielijs/
by(n)nen den drien yerste(n) jae(re)n en(de) bynne(n) den drien lesten jae(re)n [vande(n) voirs(creven)
t(er)mine] copen sal/
ene(n) beer en(de) den selve(n) beer sal de voirs(creven) peter vuede(n) op sijne(n) cost wel en(de)/
loflijc Item es geworde dat de voirs(creven) peter de voirs(creven) eeusele den voirs(creven) hove/
toebehoerende besayen sal en(de) sijn profijjt d(aer) mede doen mair [uutgenome(n)] bynne(n) den vier/
lesten jae(re)n vande(n) voirs(creven) t(er)mine [soe] sal de voirs(creven) peter de voirs(creven) eusele
brake/
late(n) liggen Item es vorwerde dat de voirs(creven) peter vande(n) lande jarlijx den voirs(creven)/
t(er)mijn duerende sal moete(n) (½) boend(er) hoervruchte(n) en(de) d(aer) op sayen [dat besayen met]
erwete(n) en(de) d(aer)/
af soe sal de voirs(creven) peter de(n) voirs(creven) gielijs jairlijx gheve(n) i molevat erwete(n)/
mair de voirs(creven) peter Behoudelijc dien dat de voirs(creven) peter tvoirs(creven) half boend(er)/
dat hij alsoe hoervruchte(n) sal wel en(de) loflijc mesten sal gelijc sijne(n) reengenote(n)/
bove(n) en(de) benede(n) Item es vorwerde dat de voirs(creven) wynne(n) ten leste(n) jae(re)n
//

de voirs(creven) lande sal laten late(n) gelijc hijse vant in sijne(n) aencome(n) Dat te wete(n)/
den roggen aert sal hij om doen op drie voere(n) en(de) de storte omworpe(n)/
Item es vorwerde dat de voirs(creven) peter de duyve [duven] vande(n) voirs(creven) hove wel en(de) loflijc/
vueden sal en(de) die salme(n) half en(de) half deyle(n) en(de) tgedeelte des voirs(creven) gielijs/
dat sal de voirs(creven) peter leve(re)n te loeven(en) tot sijne(n) huise Item es vorweerde dat/
de voirs(creven) peter den voirs(creven) gielijse jairlijx den voirs(creven) t(er)mijn due(re)nde sayen sal i/
molevat lijnsaets en(de) tvlas d(aer) af sal de voirs(creven) peter de(n) voirs(creven) gielijse te/
loeven(en) leve(re)n Item es vorwerde alse vande(n) oeften vande(n) voirs(creven) hove dat de/
voirs(creven) gielijs die sal doen helpen lesen op sijne(n) cost en(de) die salme(n) half en(de) half/
deylen en(de) tgedeelte des voirs(creven) gielijs sal de voirs(creven) peter te loeven(en) vueren op/
sijnen cost Item sal de voirs(creven) peter jairlijx de(n) voirs(creven) t(er)mijn due(re)nde xxv willege(n)/
pote(n) setten en(de) desgelijx soe sal hij oic sette(n) xxv alboem poeten Item es vorwerde/
dat de voirs(creven) peter jarlijx sette(n) sal bynne(n) den voirs(creven) hove ii griffien appelen/
en(de) ii griffien perleren Item es vorwerde dat de voirs(creven) wynne uuten voirs(creven) beemt/
vande(n) voirs(creven) hove gheen elsen hout ruymen en sal Mair sal de voirs(creven) wyn/
uuten voirs(creven) beemde moege(n) royen alle ande(re) quaet gespranck hout En(de) de/
voirs(creven) peter sal de voirs(creven) beemde ten lesten van sijne(n) jae(re) ind(er) voirs(creven) manieren/
van allen quade(n) gespranck hout geruymt en(de) gesuyvert laten Item es/
gevorwert dat de voirs(creven) peter jairlijx gheve(n) sal lxx mandele(n) stroes/
om die verdecken aen tvoirs(creven) hof En(de) wair dat sake dat de voirs(creven) hof/
e(n)nighe tymmeringe oft te decken te doen hadde dan soude de voirs(creven)/
gielijx den wercliende(n) de dachuere(n) betale(n) en(de) de voirs(creven) peter soude den/
montcost gheve(n) Item es noch vorwerde dat de voirs(creven) peter den voirs(creven)/
gielijse jairlijx den voirs(creven) t(er)mijn duerende gheve(n) sal een stuck/
boeteren wegende viiii pont oft d(aer) omtrent Item es vorwerde dat de/
voirs(creven) peter de huysing vande(n) voirs(creven) hove houde(n) sal vand(er) onderste rijkele(n)/
nederweert op sijnen cost Item es vorwerde dat de voirs(creven)/
peter de boeme [staende opte voirs(creven) goede] te behoirliken tijde houwe(n) en(de) truncken [sal] Dats te
weten/
de willege(n) te drie jae(re)n en(de) de trunck trunckeyke(n) te iiiii jae(re)n en(de) de voirs(creven)/
peter en sal vande(n) voirs(creven) bome(n) niet meer trunck(n) dan hi behoeve(n) sal de goede/
mede te bevrede(n) It(em) sal de voirs(creven) wy(n)ne op de vorlen vande(n) voirs(creven) goede(n)
bernhout/
moghe(n) houwe(n) tot sijne beringe(n) behoef ter mynst(er) scaden en(de) and(er)s niet H(ier) af/
sijn borghen des voirs(creven) wy(n)nen als p(ri)ncipael sculde(re)n en(de) elc voir al art ymbrechts/
sijn brued(er) jan stockinx [van wespel(air)] en(de) mychiel pauwels vand(er) beke uut(er) prochien van

werchte(re) Et p(ri)m[(us)]/
Ende heeft geloeft de voirs(creven) wy(n)ne waert dat enich vande(n) voirs(creven) borghen storve(n) dat hi
ande(re)/
in die stat wed(er) sette(n) soude alsoe rijc als die wa(re)n by(n)ne(n) ene(n) halve(n) jae(re) nae dat [enich]
hi aflivich wae(re)/
ca(pelle)[man] bone febr(uarii) t(ercia)/

Nagekeken door: Jos Jonckheer
Moderator: Jos Jonckheer

Laatste update:: 2015-01-03 door kristiaan magnus